

## Төрөппүт оскуолата

Төрөппүккэ аналлаах, практической үлэлээх «Төрөппүт оскуолата» диэн проект саҕалаатыбыт.

Проект кыттыылаахтара: төрөппүттэр, оҕолор, учуутал - логопедтар уонна иитээччилэр.

Тэрээһин сыала: тыл сайдытыгар уустук кэһилиилээх оҕолор төрөппүттэригэр сүбэ-ама, көмө биэри, төрөппүт оҕотун кытта дьиэтигэр хайдах эбии дьарыктаныан сөбүн билиһиннэри.

Тэрээһин соруҕа: - Төрөппүтү оҕо тылын көннөрөр-сайыннарар үлэгэ сыһыары, көмөлөһүннэри; - Төрөппүккэ квалифицированной көмө онорон, кинилэр оҕо тылын сайдытыгар билиилэрин чингэти.

Актуальнаһа буолар: Кэлинни сылларга оҕо тылланыыта, тылын сайдыыта хойутуура үгүстүк көстөр. Оҕо бастакы тылланыыта төрөөбүт тылынан буолуохтааҕа, кини инники сайдытыгар улахан суолталаах. Манна, биллэн турар, аан бастаан төрөппүт оҕотун олох кыратыттан кэпсэтэ үөрэтэрэ наадалаах.

Оҕону чуолкайдык санарарга үөрэти суолтата улахан. Сатаан чуолкайдык санарбат оҕо кэпсэтэригэр олус эрэйдэнэр, оҕолору кытта сатаан өйдөспөт. Мантан сылтаан быһыыта-майгыта уларыар, кыбыстыган буолар, сороҕор кингэ-наара алдыанар. Оҕо тылланыыта, тылын сайдыыта хойутуура кини уопсай сайдыытын бытаардар. Учуутал - логопед төрөппүтү кытта бииргэ үлэлиирэ булгуччулаах: бастатан туран уорэтэр-сайыннарар эйгэ тэрийэн, ого ис кыагын, дьогурун арыяр.

Проект икки түһүмэхтээх: бастакыта информационнай, аналитической түһүмэх (балаҕан ыйа) оҕо тылын сайдыытын кэтээн көрүү, чинчийи. Оҕо санатын сайдыытын бэлиэтиир каартаны толоруу буолар. Иккис түһүмэҕэ практической (алтынны ыйтан - муус устарга дылы) уһуйаанна араас тэрээһиннэр ытыллалар (төрөппүт мунһахтара, төгүрүк остуол, аһаҕас дьарыктар, консультациялар, төрөппүттэргэ үөрэх) төрөппүттэри, иитээччилэри кытта.

Ол курдук тэрээһинтэн быһа тардан билиһиннэрдэххэ: тыл сайдытыгар уустук кэһиллилээх оҕолор айабынаабы уорганнарын быччыннара, ньиэрбэтин импульстарын күүһэ мөлтөх буолан, сэниэтэ суохтар, тыла улахан уонна көнтөрүк, онон үчүгэйдик кэлэн – баран биэрбэт. Манна үксүгэр логопед көмөтө наада. Хайдах оҕо сангарар уорганнарын быччыннарын сайыннарыахха сөбүн кэпсээтилэр логопедтар.

Тылы кытта үлэ утумнаахтык барыахтаах. Тыл суолтата, тыл элбэх уонна биир суолталаныыта, антонимнар, аат тыллары бөлөхтөөһүн о.д.а оҕо тылыгар араас оонньоу быһыытынан туттан тылын сайыннарыахха сөбүн быһааран билиһиннэрдэ уһуйаан логопеда.

Оҕо ситимнээх санатын сайыннарыы биир уустук үлэ буолар. Манна мнемотехниканы туттан оҕо кэпсиир дьобурун сайыннарар туһунан билиһиннэрдэ логогруппа иитээччилэрэ.

Тэрээһин түмүгүнэн анал үөрэхтээхтэр наадалаах сүбэ-ама биэрдилэр, төрөппүттэр элбэби биллилэр, көрдүлэр